

Ngauri Zwino No Bebwa Hafhu



Chris Oyakhilome, D.Sc., D.D

Ngauri Zwino No Bebwa Hafhu

Chris Oyakhilome, D.Sc., D.D

Manwalo othe are kha bugu iyi a bva kha Bivhili ya Kings James
Nga nnda ha he zwa sumbedziswa

Khandiso ya vhuna 2009

ISBN 978-34658-7-2

Yo phadaladzwa nga vha: LOVEWORLD PUBLISHING
MINISTRY
PFANELO YA VHUNE 2006

LoverWorld Publishing Ministry. Pfanelo dzothe dzi na vhane. U bveledza
hafhu bugu iyi yothe kana tshipida tshayo, nga nnda ha thendelo ya vha BLW
Incorporated zwo iledzwa

ZWI RE NA NGOMU

1. INWI NGA NGOHO	7
2. NI TSHIVHUMBIWA TSHISWA	11
3. NI NA TSHIVHUMBEO NA VHUTSHILO HA MUDZIMU!	13
4. NI VHAKHETHWA VHA MUDZIMU!	17
5. NO ITWA VHO LUGAHO!	19
6. NI VHAKHETHWA	21
7. NO TSHIDZIWA	25
8. MUYA MUKHETHWA U DZULA KHA INWI	27
9. NI ITA MINI MUSI MIHUMBULO MIVHI I TSHI DA MUHUMBULONI WA NU	29
10. NI ITA MINI MUSI KHONANI DZANU DZA KALE DZI TSHI LINGEDZA U NI NEA GONOA?	39
11. NI ITA MINI MUSI MILINGO NA MATHUPHO ZWI TSHI DA?	45
12. MUYA MUKHETHWA NA INWI!	51
13. NI TEA U YA KEREKENI NAA?	61

Vhafunwa

Ri a ni fhululedza kha tshifhiwa tsha mahala tsha thembuluwo ya vhutshilo hothe ye na i wana musi ni tshi tangedza Jesu Kristo sa Murena na Mutshidzi wanu.

Ndi khou tama u kovhekana na inwi mafhungo ngoho ane a vha na ndeme kha lutendo lwa mukriste, ngoho ine ngayo ni nga vha na vhutshilo ho khwathaho nahone havhudi kha Kristo. Vhalani kubugwana ukwu nga vhuronwane, Ku do ni ita uri ni wane vhutshilo ha tshothe.

Ndi rabela uri Mudzimu a ni fhe muya wa vhutali na dzumbululo kha u mudivha, uri mato anu a vulee, uri ni kone u vha na fulufhelo lihulwane le na vhidzwa khalo, uri ni divhe uri no newa zwothe nga mahala kha Kristo, Amen.

Kubugwana ukwu ku do ni thusa u thoma

vhutshilo vhuswa kha Kristo Yesu. Musi ni tshi khou vhalu, ni sedze na bivhilini, ni vhale manwalo othe nga inwi mune.

Ndi tenda uri mulaedza ure kha bugu iyi u do shandula vhutshilo hanu, wa ni thusa u do vha na vhumatshelo havhudi u ya nga maitele are kha Ipfi la Mudzimu.

Mudzimu a ni tonde vhukuma nga dzina la Yesu, Amen

Dhafunzi Dho- Chris Oyakhilome

INWI NGA NGOHO

Ni fhira muvhili une na khou u vhona. Ni fhira muvhili wanu ure na zwipfi (zwipfi zwa u vhona, zwa u pfa, zwa u fara, zwa u thetshela na zwa u nukhedza). Nga ngomu hanu, huna tshinwe tshithu, zwavhudi-vhudi munwe muthu ane a fhira muvhili wanu. Ndi ene muya a tshilaho nahone ndi ene inwi nga ngoho.

Uyu muthu are nga ngomu ndi ene ane bivhili ya amba ngae kha 1 Petro 3:4: : ***“Madzanga nga a vhe a muthu o dzumbamaho wa mbiluni, a sa fheleli a vhulenda na u vuda***

ha muya...."

Musi muthu a tshi lovha, muya wawe u bvelaphanda na u tshila. U vha a tshi kha di tou vha muthu u fana na musu a tshi kha di tshila, u vha a si na zwe a lozwa nga nda ha uri ha tsha kona u tshila kha muvhili wawe. Muvhili wawe u nga vha wo lovha, fhedzi ene nga ngoho, muya a tshilaho, u vha a tshi kha di vha na vhutshilo hothe he a vha a naho phanda ha musu a tshi lovha.

Yesu Kriste o amba mafhungo kha bugu ya Luka ndima ya 16 nga ha vhanna vhavhili vhe vha lovha. Munwe wavho o vha a mutshinyali ane a pfi Lazaro. Mafhungo a si uri o vha a mutshinyali, fhedzi a uri naho o vha a mutshinyali, o vha a na mbilu khethwa. Musu a tshi lovha, o do ya a dzula marumbini a Abraham. Munna wa vhuvhili na ene o vha o lovha. Munna uyu o vha a mupfumi lifhasini, fhedzi ha ngo tshila vhutshilo vhukhethwa.

Zwi dzhieleni nthu uri musu a tshi lovha,

muvhili wawe wo vhulungiwa fhando shangoni, fhedzi Jesu o amba uri musi e heleni, o lavhelesa a vhona Lazaro a marumbini a Abraham nahone a mudivha. Izwi zwi amba uri o vha a tshi di kona u vhona. O do vhidzelela Abraham ari, “Nkhathutshele!”, Ni a zwi vhona, o vha a tshi kha di kona u amba. Abraham o do fhindula, nahone a pfa ipfi la Abraham, zwine zwa amba uri o vha a tshi kha di pfa.

Mupfumi o do amba uri u na dora, isini dora fhedzi, o vha o hanganea. A luvheledza, “Nkhathutshele, U rume Lazaro a thothe thodzi ya munwe wawe madini, a rothodze lulimi lwanga.” Hu na zwinwe zwine na tea u zwi sedza hafha – o vha a tshi kha di vha na zwipfi .

Zwipfi zwawe zwothe zwo vha zwi tshi kha di shuma. Zwavhudi-vhudi, o vha a tshi kha di humbula ngauri ori, **“rumela munwe muthu ane a bva vhafuni, a ye a funze vharathu vhanga”**. O vha a na vharathu vhatanu shangoni, zwenezwo a humbula uri, ‘Arali ho

ya muthu ane a tou bva vhafuni kha vhone, ndi hone vha tshi do rembuluwa' . O humbula vharathu vhawe.

Izwi zwi ita uri ni zwi divhe uri muya wa muthu u bvelaphanda na u tshila. Nahone musi muthu a tshi bebwa hafhu, ndi muya wa muthu une wa rembuluwa.

2 Vhakorinta 5:17-18 iri

"Zwino-ha, a re kha Kristo ndi tshivhumbiwa tshiswa, zwilala zwo fhela, asizwi, ho bvelela zwiswa. Zwothe hone zwo bva kha Mudzimu we a dipfumedzanya na rine nga Kristo, a dovha a ri fha mushumo wa vhupfumedzani".

NI TSHIVHUMBIWA TSHISWA

Zwino ngauri no nea vhutshilo hanu Yesu Kristo na muita Murena wa vhushilo hanu, a ni tsha vha zwe na vha ni zwone u thomani. Ni nga kha di vha ni tshi kha di vhonala sa nga misi nga nnda, fhedzi nga ngomu, no no vha tshimbumbiwa tshiswa lwa tshothe. Ndi zwine bivhili ya amba yari: A ni tou nga tshivhumbiwa tshiswa, ni tou vha tshivhumbiwa tshiswa – tshivhumbiwa tshiswa tshi saathu u vhuya tsha vhonala (2 Vhakorinta 5:17)

A ni ngo tou sikiwa hafhu, u dzudzanyululwa kana u vusuludzwa, ni tou vha tshivhumbiwa tshiswa, muthu muswa lwa tshothe. Naho zwo ralo, fhungo la uri ni tshivhumbiwa tshiswa nga ngomu, a zwi ambi uri nga nnda hanu, hu do vha na phambano. Arali no vha ni na mavhudzi matuku, phanda ha musu ni tshi bebwahafhu, mavhudzi anu a do didzula a matuku. Ni do di vha ni kha mushumo une na shuma wone, muta une na dzula khawo na vhahura vhenevhala.

Fhungo hafha ndi la uri, vhutshilo hanu ho shanduka. Ni na maitele maswa ngaauri ni muthu muswa nga ngomu.

NI NA TSHIVHUMBEO NA VHUTSHILO HA MUDZIMU

Musi no bebwa hafhu, Mudzimu u vha o ni neya maanda wa u vha nwana wawe (Yohane 1:12). Tshivhumbeo tsha Mudzimu tsho shululelwa kha muya wanu a tshilaho. Zwa zwino ni na vhutshilo vhuswa, vhutshilo ha Mudzimu he Jesu Kristo a ita uri vhu wanwe nga munwe na munwe ane a mutenda. Ndi mashudu mangafhani? Zwa zwino no no vha na mukovhe kha vhutshilo ha Mudzimu. (2 Petro1: 3-4).

Mudzimu zwa zwino ndi khotsi anu. Nga ndila-de? Tshivhumbeo tshi bveledzwa nga u bebiwa, ndi ngazwo mmbwa i tshi do didzulela u beba mmbwa. Yohane 1:12-13 iri, Hone, vhothe vho mu tangedzaho a vha nea maanda a u vha vhana vha Mudzimu, ndi avho vho tendaho dzina lawe. Ndi vha so ngo bebiwaho nga malofha na nga u funa ha nama na nga u funa ha munna; ndi vho bebiwaho nga Mudzimu.

Mudzimu u na lufuno lu no nga lwa mubebi kha inwi. Ni murado wa muta wawe. Zwenezwo ni mudzulapo wa litadulu, hune a dzula hone.

Mudzimu u na vhudifhinduleli hanu. U do ni dadzela zwothe zwine na zwi lila, hu u tevhedza lupfumo lwa vhurenani hawe, lwa kha Kristo Yesu (Vhafilipi 4:19). U na dzudzanyo dzavhudi nga vhutshilo hanu, dze dza thoma u tutuwa musi ni tshi tou bebwa hafhu. Ni nwana a funiwaho, wa Mudzimu wa lufuno,

nahone no bebiwa kha muta wa lufuno. Hezwi ndi zwa ndeme vhukuma. O ni nea hovhu vhutshilo vhuswa uri ni vhe murado muswa wa Khulunoni yawe.

Bivhili iri Mudzimu o ni nea vhutshilo vhu sa fheli. Uvhu ndi vhutshilo vhure nga ngomu ha Mudzimu, vhune ha ita uri a vhe zwine a vha zwone. Vhutshilo uvhu ho ita uri zwi konde uri tshalo tshi kone u dzudza Yesu Kristo. Ndi vhutshilo ha u vuwa hafhu, nahone ndi vhutshilo vhune ha vha kha inwi zwino.

"Asuvhu –ha vhutanzi: Mudzimu o ri fha u tshila tshothe, huno honoho vhutshilo vhu kha Murwa wawe. A re na Murwa u na vhutshilo. Asi na Murwa wa Mudzimu vhutshilo ha naho. Aya mafhungo ndo nwaleta inwi ni tendaho dzina la Murwa wa Mudzimu uri ni zwi divhe zwauri u tshila-tshothe ni

naho, na uri ni di tenda dzina la Murwa wa Mudzimu". (I Yohane 5:11-13).

Ndi ane a vha na Murwa, ane a vha na vhutshilo uhu, ngauri vhutshilo uhu vhu wanala kha Murwa wa Mudzimu. Musi ni tshi mutanganedza, ni wana vhutshilo honohu.

Vhutshilo uvhu vhu ita uri zwi konde uri inwi ni kundwe nga nyimele inwe na inwe. Vhu dzulela u ni vhea nthu. Humbulani nga ha fhungo ili! Zwi a konda uri Mudzimu a tshinyadzwe kana a kundiwe. Zwino ni na vhutshilo hawe, ni nga si tshinyadzwe kana u kundiwa, ngauri Muya wa o vusaho Yesu Kristo vhafuni, wo fhata kha inwi! (Vharoma 8:11).

NI VHAKHETHWA VHA MUDZIMU.

II Vhakorinta 5:21 iri *“Ene we a ri ula a sa divhiho tshivhi a mu ita tshivhi, hu u itela rine, uri rine ri wanwe ri vho lugaho phanda ha Mudzimu, ri kha ene Kristo”*.

Ivhani na tshifanyiso muhumbuloni wanu, tsha musi Mudzimu a tshi khou shandukisa vhutshilo. O ita Jesu uri a vhe tshivhi (zwi ambaho uri o vhatshithavhelo tsha tshivhi) a tshi itela rine, uri rine ri itwe vhakhethwa vha Mudzimu.

Izwi ndi zwone zwe zwa ita uri zwi

konadzee uri Jesu a fele zwivhi zwashu. Zwivhuya zwa hone ndi zwa uri zwino ni nga ima phanda ha Mudzimu ni sa divhoni mulandu, ni sa ofhi nahone ni sa khou dinyadza. (Vhahevheru 10:19, Vharoma 5:1).

NO ITWA VHO LUGAHO.

Zwi amba mini u itwa vho lugaho? Zwi amba uri no tiwa vhatu vha sinaho mulandu. U ya nga Mudzimu, a ri na mulandu we ra u ita. Bivhili iri, ***“Zwino ro itwa vho lugaho zwi tshi bva u tendani, ro pfumedzanywa na Mudzimu nga Murena washu Yesu Kristo”*** (Vharoma 5:1). No itwa vho lugaho!

Jesu o tungufhedzelwa zwivhi zwanu musi a tshi vhambiwa tshifhambanoni, naho ho vha hu si na vhutshinyi he a ita hone (I Petro 2:22). Ndi ngazwo Mudzimu a si tsha ni vhona

mulandu kha vhutshinyi he na ita.

Bivhili iri,

*“Ngauri rothe tshashu ndi u do vho-
nala tsengoni ya Kristo, uri rothe ri do
wana tshe ra di-shumela tshone musi ri
tshee muvhilini, wa tshivhuya a wana
tshivhuya, wa tshivhi a wana tshivhi”
(2 Vhakorinta 5:10).*

NI VHAKHETHWA

Kha ri tou humbulela lwa tshifhinganyana uri ni khou pfa ni tshi nga ni dindini, no dola tshika vhukuma, munwe muthu a da a ni phulusa – zwine zwa amba uri “O ni bvisa dindini.” Nga murahu ha afho tshine na tea u ita ndi dikunakisa fhedzi. Nga manwe maipfi, “Bvisani tshika kha inwi” nahone izwo zwi toda tshifhinga na nungo.

I Vhakorinta 6:11 iri, “Vhanwe no vha

ni vhanzalo, huno na tanzwiwa, no itwa vho lugaho dzinani la Murena Yesu na nga Muya wa Mudzimu washu.”.

U itwa vhakhethwa hu na zwipida zwivhili: Iwa u thoma, Mudzimu u ni bvisa dindini, zwine zwa amba uri no bebwa hafhu nahone nga u tavhanya, bivhili iri no itwa vhakhethwa; na fhandekanywa na lifhasi na itwa vha Mudzimu. U bva afho ni fanela u bvisa tshika kha inwi nga u ita uri muhumbulo wanu u kunakiswe (u shandukiswe) nga u vhala Ipfi la Mudzimu (Vharoma 12:2).

U shandukisa ha muhumbulo ndi mushumo une wa bvelaphanda u vha hone. Muhumbulo wanu wo gudiswa u humbula nga inwe ndila, uri u vhone zwithu nga tshivhumbeo tsha nama phanda ha musu u tshi nga tenda. Zwino, nga u shandukisa muhumbulo wanu, ni tenda muhumbulo wanu u tshi vhona zwithu nga ndila ine Mudzimu a zwi vhona ngayo. Ni

gudisa muhumbulo wanu uri u vhone zwithu nga ndila ine Mudzimu a zwi vhona ngayo. U bva afho ni do amba maipfi a Mudzimu nga ndila ine Mudzimu a amba ngayo, nahone na wana mvelelo dzine Mudzimu a dzi wana kha Ipfi lawe.

NO TSHIDZIWA

“Ni tshi renda Khotsi we a ni ita vho fanelwaho nga mukovhe wa ifa la vhakhethwa vha re tshedzani. Murendeni, ene we a ri tomola maandani a swiswi, a ri pfulusela muvhusoni wa Murwa-mufunwa wawe” (Vhakolosa 1: 12-13).

U bva musi ni tshi tou bebwa hafhu kha Kristo Yesu, no mbo divha murado wa

khulunoni ya Mudzimu. Ahuna lidimoni li bvaho heleni line la nga ni vhaisa zwino. No vhofholowa kha muano we na vhuya na dzhena khawo, ni tshi zwi divha kana ni sa zwi divhi. No vhofholowa kha ndowelo inwe na inwe, tshivhi, kana vhulwadze he ha vha ho ni vhofha. Ndi ngani? Ngauro no tshidziwa kha maanda a muvhi!

Bivhili iri Mudzimu o ni tshidza kha ndango na maanda a swiswi nahone a ni isa khulunonini yawe. A no ngo tea u ofha hafhu. Yehova ndi mulisa wanu nahone mato awe a tsireledzo a do dzula e kha inwi (Dzipsalme 23:1).

Bivhili iri: “ Arali zwino Murwa a tshi ni vhofholola, ndi hone na-ngoho no vhofhololwa” (Yohane 8:36). Mudzimu o ni tshidza, a ni isa kha khulunoni yawe. Ndi hune na vha hone zwino; ndi hone hanu. No no di-tshidziwa kha maanda a swiswi. Sedzani uri izwi ndi zwa tshifhinga tsho fhiraho- no no di-tshidziwa kha maanda a swiswi!

MUYA MUKHETHWA U DZULA KHA INWI

Tshinwe tshipida tshihulwane tsha vhutshilo uvhu vhuswa ndi uri Muya wa Mudzimu a de a dzule kha inwi. Musi Muya wa Mudzimu a tshi dzula kha inwi, u ita uri ni divhe Ipfi la Mudzimu, a ita uri ni vhe na u pfesesa huswa ha Ipfi. Zwino, musi ni tshi vhala bivhili, ni na u pfesesa huswa muyani wanu, ni kona u tevhedza Ipfi kha vhutshilo hanu.

Tshinwe tshithu tshine Muya Mukhethwa a ita ndi u ni humbudza Ipfi la Mudzimu (Yohane

14:26). U dadzisa izwi, U ni fha maanda a u vha thanzi kha mafhungo madifha a Yesu Kristo

"Fhedzi ni do dzhia maanda musi Muya –Mukhethwa a tshi da kha inwi na vha dzithanzi dzanga ngei Yerusalema na kha lothe la Yudea na Samaria na swika nga mugumo wa shango"
(Mishumo Ya Vhaapostola 1:8)

**NI ITA MINI MUSI
MIHUMBULO ...**
MIVHI TSHI DA INWI.

U bebwa hafhu a zwi iti uri na sa tsha kona u lingiwa, fhedzi ni songo tenda u lingea. Bivhili I ri funza uri tshifhinga tshinwe na tshinwe ri tshi lingiwa, Mudzimu u vula ndila ya u ponyoka (1 Vhakorinta 10:13). Zwenezwo, musi mihumbulo mivhi I tshi da muhumbuloni wanu, ni tea u ita zwi tevhelaho:

(1) HUMBULANI URI NO BEBWA HAFHU A NEW CREATION

Mihumbulo iyi i da kha inwi sa maanda a swiswi, sa ndila ya u lingiwa nga muvhhi. A ni tou i vhumba muhumbuloni wanu, nga maanda arali no bebwahafhu. Bivhili iri rine (vhatendi vho bebwahafhu) ri na muhumbulo wa Kristo. (I Vhakorinta 2:16). Ni fanela u humbula uri ni nnyi zwino, tshivhumbiwa tshiswa! Mudzinu u toda ri tshi dzulela u zwi humbula uri ri zwivhumbiwa zwiswa khathihi na uri O ri nea vhutshilo vhuswa. Vhutshilo uvhu vhuswa ndi hone vhune na tea u tenda khaho.

(2) IVHANI VHA PFAHO MUDZIMU

Ipfani Mudzinu! Kha ri sokou humbulela uri muhumbuloni wanu hu da muhumbulo wa ndowelo mmbi. Mutsiko wa vha muhulwane kha inwi uri ni ite zwithu zwo khakheaho; ni nga kha di swika na kha u ita tshipida tsha

u thoma tsha vhukhakhi honoho. Fhedzi zwenezwo, musu ni tshi humbula uri no bebwa hafhu, ni muthu muswa, ni thoma u vha na mafufufu na maanda a u litsha.

Ipfani Mudzimu! Ni a zwi vhona, u bebwa hafhu a zwi ambi uri mihumbulo mivhi a i nga di kha inwi, fhedzi fhungo ndi la uri ni songo tenda u tevhedza mihumbulo iyo. Hanani! Munwe muthu o no vhuya a amba uri, ni nga si thivhele tshinoni uri tsha sa fhufhe nthha ha thoho yanu, fhedzi ni nga tshi thivhela uri tsha sa fhate tshitaha nthha hanu!

Ni nga si kone u thivhela uri mihumbulo iyi ya sa de kha inwi ngauri a zwi langwi nga inwi, fhedzi ni nga i thivhela uri ya sa fhatele kha inwi. Ni songo tenda mihumbulo mivhi i tshi fhatela kha inwi, ni songo tenda i tshi ni langa. Ni nga i thivhela nga u humbula mihumbulo yo teaho (Vhafilipi 4:8).

Khariri no vha ni mutambafilimu nahone no vha ni tshi khou tea u tamba sa mufumakadzi,

ngeno ni munna, ni nga ambara rokho ya vhafumakadzi na wiki, na tamba na u tshimbila sa mufumakadzi. Fhedzi ni nga si hangwe uri ni munna musi ni tshi fhedza u tamba afha. Ni do bva afho litambwani, na humbela lufherani lwa u ambarela, na vhuyelela kha zwiambaro zwanu zwa vhukuma, na tshimbila sa nga misi. Musi ni tshi humela mushumoni nga musumbuluwo nga matsheloni, ni nga si hangwe uri ni munna. Ni do amba sa munna, na tshila sa munna. Zwi nga mangadza vhukuma arali na nga vhuyelela mushumoni ni tshi khou amba na u tshila sa mufumakadzi sa nga ndila ye na ita ngayo tshifhingani tsha litambwa.

Izwi zwi di-fana na zwine zwa khou bvelela kha inwi zwino. No vha ni tshi ita vhuvhi phanda ha musi ni saathu u bebwa hafhu, fhedzi zwa zwino ni na vhutshilo vhuswa. Vhutshilo uvho vhuswa, ndi hone vhune na khou tea u tshila hone zwino. No vha ni tshi khou di-ita mufumakadzi lwa tshifhinga tshilapfu, nahone

tshinwe tshifhinga ni tshi ita ni tshi di-hangwa na thoma u tshila sa mufumakadzi. Fhedzi na dovha hafhu na humbula uri ni munna, na ita zwo teaho. Na talifha na amba nari, “Hei A thi mufumakadzi , athiho kha litambwa; ndi tea u vha wa vhukuma!”

Ndi nga ndila ine na tea u fhelisa ngayo ndowelo mmbi. Di-vhudzeni uri, “Vhonani, ndo bebwa hafhu, ndi zwine nda vha zwone!” Naho ndowelo yo tou ita hani: musi ni tshi humbula (nahone ni do humbula), IMANI Di-vhudzeni uri “ ndo bebwa hafhu! Kha zwi mbo di fhela henefha!”

Ni songo tenda tshivhi tshi tshi bvelaphanda kha inwi, ni songo shona u vhudza munwe na munwe ane na tshila nae, “Hei, Ni mpfarele, ndi nga si tsha kona u ita izwi ngauri ndo bebwa hafhu”. Litshani ndowelo mmbi nga u ita zwivhuya. Di-vhudzeni uri ni khou toda u ita hezwi. Wanulusani nga ha maitele mavhuya kha Ipfi la Mudzimu nahone ni di-gudise Ipfi

nga u li tevhedza.

(3) IVHANI MUITI, TEVHEDZANI IPFI.

Mudzimu ha funi ri tshi vha vha pfaho fhedzi, u tama ri tshi tevhedza Ipfi.

“Ivhani vhaiti vha zwine fhungo la amba, ni songo sokou vha vha pfi, vhane vha di-khakhisa. Ngauri muthu arali e mupfi wa fhungo, e si muiti, u nga ane a vhona tshifhatuwo tshawe tshe a bebwa natsho nga tshivhoni. Huno musi a tshi di-vhona a tuwa a mbo di hangwa zwauri o vha e munzani na zwenezwo”.

(Yakobo 1: 22-24)

Ni vha a tevhedzaho Ipfi musi ni tshi humbula Ipfi na li tevhedza. Nahone ni do dzulela u li humbula. Itshi ndi tshinwe tsha zwithu zwine Muya Mukhethwa a ita kha rine. Jesu ori, “Ene Muimeleli, Muya Mukhethwa,

ane Khotsi a do mu ruma dzinani langa, onoyo u do ni funza zwothe, u do ni eletshedza zwothe zwe nda ni vhudza” (John 14:16).

Ri livhuwa Mudzimu uri Muya Mukhethwa u hone henefha, U thusa u ri humbudza Ipfi. Zwino musi ni tshi humbula Ipfi, ni fanela u li tevhedza. Ni songo vha na vhuleme ha u humbula, Muya Mukhethwa u do ni humbudza. Fhedzi ni tea u dzula no di-lugisela u do Mu-tevhedza musi a tshi disa Ngoho muhumbuloni wanu.

(4) DIVHANI URI TSHIVHI A TSHI TSHEE NA MAANDA KHA INWI

Ni fanela u humbula tshithu tshithihi: Mihumbulo mivhi a i na maanda a u ni kunda, nga nda ha musi no i tendela u ita nga u ralo,
“Ngauri zwivhi a zwi nga ni lauli...” (Vharoma 6:14) Tshivhi tshi nga si ni laule. Tshi nga si vhe nntha hanu, ngauri a niho nga fhasi ha mulayo,

ni fhasi ha tshilidzi. Ndi zwine bivhili ya amba zwone i tshiri Mudzimu o ni tomola kha maanda a swiswi, a ni isa khulunonini yawe:

“Ni tshi di renda Khotsi we a ni ita vho fanelwaho nga mukovhe wa ifa la vhakhethwa vha re tshedzani. Mu rendeni, ene we a ri tomola maandani a swiswi, ari pfulusela muvhusoni wa Murwa-mufunwa wawe” (Vhakolosa: 12-13)

Ndi hune na vha hone zwino ngauri no bebwa hafhu, ndi ngazwo maanda a swiswi a si nga tsha do ni laula. A nga fhasi ha tshivhi fhedzi inwi ni nga fhasi ha vhutshilo ha Mudzimu, vhune ha vha nthha ha tshivhi. Zwino ni a vhona, a nga si ni laule.

Vhakolosa 1:14 iri, *“Ndi ene ane ra wana u rengululwa khae, ndi amba u hangwelwa zwivhi”*. Kha Kristo Yesu, ro rengululwa. Izwi ndi

zwone zwine ra vha zwone zwino. (Vhaefesa 2: 5-6). A ri khou lingedza u rengululwa, ro rengululwa zwino! Ri fanela u dzula ri tshi humbula Ipfi la Mudzimu ra takadzwa ngalo.

NI ITA MINI MUSI KHONANI

...

*DZANU DZA KALE DZI TSHI LINGEDZA
U NI NEA GONOA?*

Zwino ngauri no bebwa hafhu, no no vha kha muta muswa. A ni tsha vha kha muta wa kale. Izwi a zwi ambi uri ni fanela u lata tshothe khonani dzanu dza kale na vhashumisani na inwi, na vha lamba. Ni tea u vha tshedza khavho. Vha kha di vha swiswini, ngauri a vha athu u tangedza Jesu Kristo mbiluni dzavho. Ni fanela u zwi humbula uri no no vha tshedza tsha Mudzimu khavho. Vha-vhudzeni mafhungo madifha uri na vhone vha tevhele Jesu.

Ni fanela u ita mini musi vha tshi ni nea gonova? Bivhili iri maduvhani a vhufhelo, hu do da vhagodi vhane vha do ita zwothe zwo khakheaho vha sea mafhungo ngoho (2 Petro 3:3-4).

Vhagodi ndi vhane vha do lingedza u ni nea gonova vha ni humisela murahu kha vhutshilo hanu ha kale. Naho zwo ralo, ni fanela u hana u kheluswa ngavho. Ni songo tenda zwine vha amba zwi tshi ni ima phanda kha vhukonani hanu na Kritso. Hanani u paniwa navho. Ni songo tangedza ngeletshedzo dzavho, hone ni ime kha zwine na tenda khazwo zwi re Mudzimu na Ipfi lawe.

DZHOGO I SA FANI

IMaduvhani a kale, a u lima, mulimi o vha a tshi pana zwifuwo zwivhili, sa tsumbo mbongola mbili kana mboho mbili, dza paniwa uri dzi lime. Zwifuwo izwi zwivhili zwi do lima

tsimu zwi tshi khou tshimbila zwothe. Ngauro zwo paniwa zwothe, zwifuwo izwi zwivhili zwi fanela u ya thungo nthihi. Hune ya u thoma ya ya hone, ya vuvhili i tea u tevhela. Mulimi u dzi-sumba ndila, dzone dzi tea u ya thungo nthihi, sa vhunga dzo paniwa dzothe.

Zwino arali dzothe dzi dzimbongola, zwo vha zwi tshi vhidzwa u pfi ndi 'dzhogo i fanaho'. Fhedzi arali inwe i mbongola, inwe i phuli, dzo vha dzi tshi vhidzwa upfi ndi dzhogo i sa fani.' (ngauro a si lushaka luthihi). Arali ro vha ri tshi tea u kungelwa na munwe muthu, yo vha i tshi do vha dzhogo i fanaho. Zwi amba uri mukriste na mukriste vha tshi khou tshimbila vhothe. Fhedzi arali mukriste a kungelwa na muthu a si mukriste, i vha i dzhogo i sa fani. Mudzimu uri, "Ni so ngo nga vha di-kungelaho na dzhogo i sili ya vha sa tendiho" (2 Vhakorinta 6:14-16).

Zwino ni a vhona, arali ni na vhukonani na muthu a si mutendi, ni tshi khou tshila vhutshilo vhu fanaho, zwenezwo no pana na dzhogo i sa

fani, nahone izwi zwo khakhea. Mudzimu ha todi ni tshi kungela dzhogo i sa fani, u toda ni tshi kungela na vhanwe vhakriste, hune na ita tshithu tshithihi navho. Vhathu vha si vhatendi vha nga si vhe khonani dzanu dza mbiluni. Naho muthu onoyo a tshi tshila vhutshilo havhudi hani, arali a songo bebwa hafhu, a nga si vhe khonani yanu ya mbiluni.

A zwi konadzei nahone a zwi tangedzei kha Mudzimu nga uri a si dzhogo i fanaho. Kusedzele kwanu kwa muthu ku nga si vhuye kwa vuwa kwo fana na kusedzele kwa Mudzimu.

Tshinwe tshifhinga, Mudzimu o ruma Samuel nduni ya Isai uri a ye a dodze munwe wa vhana vhawe sa ene khosi ya Israel. (1 Samuele 16:1 -13). Musi Samuele a tshi vhona muthannga wa tanzhe wa Isai., Eliaba, Samuele a amba ari “ Nangoho uyu u tea u vha ene mudodzwa wa Mudzimu” ngauri o

vha a muhulwane, a mulapfu nahone o naka. Fhedzi Mudzimu a amba na muporofita ari “ U songo mu dodza, ngauri onoyo ndo mu lata.” Zwenezwo a amba nae ari, “Muthu tshawe ndi u vhona zwi re phanda ha mato awe; Yehova Ene u vhona zwi re mbiluni.” Musi muthu a tshi lavhelesa muthu u sedza zwine a vha zwone nga nda, zwine a ambisa zwone, nga ndila ine a vha ngayo, na nga ndila ine a tshimbila ngayo. Ni nga vha na mihumbulo yothe, nga ha muthu uyo musi no lavhelesa zwithu izwi, fhedzi Mudzimu Ene u lavhelesa nga ngomu ha muthu.

Muthu a songo bebiwaho hafhu ha na muya wa vhukuma na Mudzimu. Ndila nthihi ine ya ita uri muthu a kone u vha kha ndila ya vhukuma na Mudzimu, ndi u bebiwa hafhu. Itshi ndi tshone tshifhinga tshi tshothe tshine muthu uyu a kona u tewa nga u vha khonani yanu ya tsinisa. U swikela a tshi bebiwa hafhu, ha tewi nga izwo, musi ho sedzwa maitele a

Mudzimu. Zwino musi no no bebiwa hafhu, lutamo lwanu lu tea u vha lwa u takadza Mudzimu, uri na sa shumise maitele anu. Hezwi ndi zwa ndeme vhukuma.

Musi no fulufhedzea kha Mudzimu, u do kona u ni lwela (1 Vhakorinta 10:13)

NI ITA MINI MUSI MILINGO...

NA MATHUPHO ZWI TSHI DA?

Kha Marko 4:1-9, Jesu o ri vhudza nga kha tshifanyiso tsha muzwali wa mbeu. Munna uyu o bvelaphanda na u tavha mbeu dzawe, dzinwe mbeu dza wela kha lutombo, dzinwe dza wela mipfani, dzinwe mavuni avhudi. Kha verse ya 19 na 17, Bivhili iri,

In verses 16 and 17, the Bible says,

“Vha ngaho mbeu yo zwawaho kha lutombo, ndi vhane vha ri u pfa fhungo, vha mbo di li tangedza nga dakalo;

*Hone vha si vhe na midzi ngomu havho,
tshavho ndi u dzinginyea. Arali vha
tshi tungufhadzwa, vha tshi vhengiwa,
mulandu li lone fhungo, vha a tavhanya
u nala”*

Hafha hu khou ambiwa nga vhane vha sa vhe na midzi kha vhone vhane, zwenezwo vha kondelela u tungufhadzwa lwa tshifhinganyana. Uri naho vhathu vhenevho vho diimisela u tangedza Ipfi, musi vha tshi tungufhadzwa kana vha tshi vhengiwa, mulandu li lone Ipfi, vha a nala. Hezwi zwi bvelela kha vhathu vhanzhi.

Zwine Jesu a khou amba zwone afha ndi uri hu na vhathu vhanzhi vhane vha sa vhe na Lufuno lwa vhukuma khae. Vha tangedza nga dakalo Ipfi la Mudzimu nga mulandu wa pfulufhedziso dza vhutshilo vhu sa fheliho, dakalo na u fhindulwa ha thabelo, fhedzi a

vha na Lufuno lwa vhukuma lwa Mudzimu. Zwenezwo musi tshifhinga tsha mathupho tshi tshi swika, vha a nyetha. Hezwi zwi a tungufhadza. Musi u tungufhadzwa na u vhengiwa zwi tshi da, zwine na tea u ita ndi u tevhedza Ipfi:

(1) NI FANELA U VHA NA LUFUNO
LWA VHUKUMA KHA MUDZIMU.

Mudzimu u khou tama ni tshi vha na Lufuno lwa vhukuma nahone lwo khwathaho khae. Lufuno lu nga engedzea kana lwa fhungudzea. Musi ni tshi anza u humbula nga Mudzimu, thetshesani Ipfi lawe nahone ni vhe na vhukonani nae nga kha thabelo, ndi hone ni tshi do vha na Lufuno lwa vhukuma khae, ngauri Lufuno lu engedzea musi ni tshi twa nothe. Musi ni tshi simesa u twa na Mudzimu, ni do mufunesa. Musi ni tshi simesa u thetshelsa Ipfi lawe, ni hone ni tshi do mudivha na mufuna,

nahone ndi hone na inwi ni tshi do muwana nga huhulu.

Musi ni na ulwu Lufuno luhulwane khae, lpfi lawe li toka midzi mbiluni yanu, uri musu ni tshi tangana na nyimele inwe na inwe, ni divhe vhuimo ha Mudzimu malugana na nyimele iyo nahone na bula vhuimo ha Mudzimu khayoy.

Bivhili iri U fa a u hanya zwi vhusiwa nga lulimi (Mirero 18:20-21), na uri zwo dalaho mbilu ndi zwine mulomo wa amba (Mateo 12:34-35, 37). Musu ni tshi dadza mbilu yanu nga lpfi la Mudzimu, kha nyimele inwe na inwe, ni do vhona nga kuvhonele kwa Mudzimu na amba sae. Nahone zwi do fhira!

(2) NI SONGO NYETHA

Ni songo nyetha musu thaidzo dzi tshi da! U bebwa hafhu a zwi ambi uri thaidzo a dzi nga di, nahone a zwi ambi uri a hu nga vhi na milingo. Zwine zwa amba zwone ndi uri

musi milingo i tshi da, kha thaidzo dzothe, Mudzimu u do ni konisa. Sa kha Dzipsalme 23:5: ***“U mpha zwiliwa maswina anga a tshi zwi vhona...”*** ni nga vha ni vhukati ha maswina anu fhedzi vha nga si ni kunde, u tungufhadzwa a zwi vhulahi.

Mudzimu ha toti ni tshi nyetha. Ni fanela u ima na khwatha! Naho zwi tshi khou konda hani, ni songo nyetha. Mudzimu u do ni konisa, ni songo neta muyani. Bveleniphanda na u fulufhedzea khae, ha nga ni shonisi kana a ni lata. Ni do kunda kha nyimele inwe na inwe ya vhutshilo, ngauri ni kunda kha zwothe. Yesaya 43:2 iri U tshi dzhena madini, ndi na iwe; u tshi wela milambo, a u nga kumbiwi, U tshi tshimbila vhukati ha mulilo, a u nga swi. Musi ni tshi tevhela Jesu Kristo, mushumeleni nga mbilu yanu yothe. Mutevheleni na musi hu na dzikhaedu.

“Mudzimu nga a livhuhwe, ane a ri

nea gundo nga Murena washu Yesu Kristo. Ndi zwone, vharathu vhanga, vthane nda vha funa, khwathani ni songo dzinginyea, ni simese u shuma mushumo wa Mudzimu hothe, ni zwi divhe zwauri u di-netisa hanu a si ha fhedzi Murenani". (I Vhakorinta 15:57-58).

"Ngauro zwothe zwo bebwaho nga Mudzimu zwi kunda shango. Na zwino gundo lo kundaho shango asili: Ndi Lutendo lwanu". (I Yohane 5:4).

Ni a vhona, Mudzimu u ri nea gundo nga kha Jesu Kristo, zwenezwo ri nga si vhe vha kundiwaho. Vhalani (I Yohane 5:4) zwavhudi vhudi, i amba nga ha gundo lo kundaho shango, zwine zwa vha Lutendo lwashu. Tshilani nga Lutendo, ndi mukundi, isini a kundwaho. No bebwura uri ni kone u kunda ngauro no bebwura nga Mudzimu. Ni nwana wa Mudzimu, no

MUYA MUKHETHWA NA INWI

bebwa nga Muya wawe Mukhethwa.

Huufha na hone rothe ro lovhedzwa kha Muya muthihi uri ri vhe muvhili muthihi ((I Vhakorinta 12:13, Yohane 3 5-8). Musi ni tshi bebwa hafhu, Muya Mukhethwa u vha tshipida tsha ndeme tsha Vhutshilo hanu. Zwenezwo ni tea u pfesesa uri Muya Mukhethwa ndi nnyi nahone na kona u vhona mishumo ine a I ita.

Ni fanela u pfesesa zwe a da u ni itela zwone, uri ni kone u diphina nga vhutshilo vhune ha vha hone kha Kristo nahone na

tangedza tshifhiwa itshi (I Vhakorinta 12;8-10) na maanda (Luka 24:49, Mishumo ya Vhaapostola 1:4-8) e ra newa one nga khaye.

MUYA MUKHETHWA NDI NNYI?

Kha zwipida zwo fhambanaho zwa bivhili, ri wana hu tshi ambiwa nga ha Muya Mukhethwa.

- Kha testamennde ya kale, ri vhona Muya Mukhethwa a tshi nea maanda, a ita na uri muthu a kone u ita zwi sa konadzei (Vhahatuli 14:6, 19).
- Kha testamennde ntswa, ri vhona Muya Mukhethwa a wa ndeme kha u bebwa, pfunzo na vhutshilo ha Jesu (Luka 4:18).
- Muya Mukhethwa u dovha hafhu wa vhone kha Mishumo ya Vhaapostola 2:14 u tshi khou shuma kha vhutshilo ha vhafunziwa vha Jesu.
- Muya Mukhethwa ndi Mudzimu. Ndi Mukhethwa, nahone ndi wa vhuraru

litadulu (Yohane 14:16-17, Yohane 15:26).

- O vha hone phanda ha musifhisi li tshi sikiwa (Genesi 1:2).
- Ndi ene ane a khwathisedza maanda a Mudzimu. Nga manwe maipfi, U tshipida tsha Mudzimu, kha u bveledza maipfi manwe na manwe ane Khotsi vha a amba (Genesi 1).
- Ndi Muya wa lufuno, Maanda na wa tsha-vhuhulwane (2 Timotheo 1:7)
- Ndi muya wa vhudilangi (2 Vhakorinta 3:17)

ZWINE MUYA MUKHETHWA WA SA VHE ZWONE

Ndi zwa ndeme u zwi dzhiela nthu uri Muya Mukhethwa a si muya, ole kana tshiivha, naho kha manwalo, ri tshi vhona o sumbedzwa

nga yeneyo ndila. A si 'dzindimi', naho a tshi konisa vhathu u amba nga dzidimi. A si maanda, fhedzi u ri neya maanda a Mudzimu. A si Muya ane a dovha hafhu a ni ita ri ni vhe na nyofho. (Vharoma 8:15), fhedzi wa vhudilangi (2 Vhakorinta 3:17).

NDI NGANI RI TSHI TODA MUYA MUKHETHWA?

- Muya Mukhethwa u ri nea maanda (Mishumo ya Vhaapostola 1:8). Ipfi ili la 'maanda' li bva kha ipfi la tshigerika la 'dunamis', line la amba uri maanda a songo dowealeaho a disaho tshanduko. Musi Muya Mukhethwa u tshi da u tshila kha rine, U ita uri ri kone u shandukisa zwithu vhutshiloni hashu na kha vhutshilo ha vhutshilo ha vhanwe vhathu.
- Muya Mukhethwa u ri neya maanda a u funza mafhungo madifha (Mateo 28:18-20, Marko 16: 15-18).

- Muya Mukhethwa u a ri funzedza na u ri khada (Yohane 16:13, Vharoma 8:14).
- Muya Mukhethwa u ari khuthadza (Yohane 14:18, Mishumo ya Vhaapostola 9:31). U a ri funza a ri eletshedza (Yohane 14:26, I Vhakorinta 2:11-12).
- U tshimbila na rine a vha tshipida tsha vhutshilo hashu ha duvha linwe na linwe (Yohane 14:16).
- U a ri tanziela-vho, a tshi vhudza muya washu zwauri ri vhana vha Mudzimu, nahone ri malaifa-vho a lupfumo lwa Kristo Jesu (Vharoma 8:16, Vhaefesa 3:6).
- U ri nea mbofholowo ya u ya kha Mudzimu nga lufuno (Vharoma 8:15, 2 Vhakorinta 3:17, 2 Timotheo 1:7).

NI NGA VHA NA VHUSHAKA NA
MUYA MUKHETHWA

Kha Yohane 14:17, Jesu uri,

“Ndi muya wa mafhungo-ngoho ane shango la kundwa u mutanganedza, ngauri a li mu vhoni, a li mu divhi. Inwi hone ni a mu divha, ngauri u do dzula kha inwi, u do vha na inwi.”

U vha na vhushaka na Muya Mukhethwa ndi u dzhiela nthu u vha hone hawe na u dzhiela nthu pfunzo yawe kha vhutshilo hanu. Zwenezwo fhedzani tshifhinga tshanu ni vhuhoneni hawe, ni tshi khou davhidzana nae, na u mudivha sa khonani. Ni nga vha na vhushaka uhu nga u fhedza tshifhinga tshanu ni kha thabelo, ni tshi khou vhala lphi na nga u tevhedza ndaela dzothe dza Muya Mukhethwa.

Musi no bebiwa hafhu, no lovhedzwa kha Muya wa Mudzimu. U bebiwa hafhu zwi amba u lovhedzwa kha tshithu lwa tshothe. Sa tsumbo, ni nga dzhia bola, na i lovhedza madini nga ndila ine bola yeneyo ya fhedza yo

nupela tshothe madini. Izwi ndi zwone zwine zwa bvelela musi ni tshi bebiwa hafhu, ni vha no lovhedzwa, sa bola, kha Muya Mukhethwa.

Ndi manwe mafhungo uri bola i tivedzwa nga madi, fhedzi zwa vha manwe mafhungo uri bola i tou nupela tshothe madini. Uri bola i dale, hu fanela u vha na inwe ndila ya u ita uri madi a dzhene khayo. Nga manwe maipfi, ndila ye bola iyo ya itwa ngayo, i fanela u vha ine ya tenda uri i kone u dzhena madi. Sa zwenezwo, musi ni tshi bebiwa hafhu, ni fanela u tangedza Muya Mukhethwa kha inwi, wa dzula kha inwi.

Tshinwe hafhu, u dala Muya Mukhethwa a si zwithu zwine zwa bvelela luthihi kha vhutshilo ha muthu. Fhedzi zwi a bvelaphanda, ndi mafhungo a duvha linwe na linwe (Vhaefesa 5:18). Izwi zwi itwa nga u dzula ni tshi dzhiela nthu vhuhone hawe na u bvelaphanda u tendwa u funza ngae vhutshiloni hanu. Ni nga bvelaphanda na u dala Muya Mukhethwa,

musi ni tshi bvelaphanda na u vha na vhushaka nae, nga u Mu renda, thabelo, u vhala Ipfi na u bvelaphanda na u tevhedza ndaela dzawe. Nga heyi ndila, ni nga khadwa nga Muya Mukhethwa.

U AMBA NGA NDimi

Sa zwe nda amba zwone u thomani, Muya Mukhethwa u neya vhana vha Mudzimu maanda a u kona u amba nga ndimi. Inwe ya tsumbo ye Mudzimu a amba uri i do fheletshela vha tendaho ndi uri vha do amba nga ndimi ntswa (Mariko 16:17).

Uvhu ndi vhukoni vhu songo dowealeho vhune vha tendaho vha ita vhudavhidzani na Mudzimu nga Muya Mukhethwa, nahone i tou vha tshifhiwa tsha Muya Mukhethwa.

U amba nga dzindimi tshinwe tshifhinga zwi fanyiswa na 'u rabela lwa muya'. Musi ri tshi amba nga ndimi, ri amba thwii na Mudzimu

(I Vhakorinta 14:4) nahone mimuya yashu i a fhatela kana ya khwatha (Yuda 1:20). Mimuya yashu i a khwatha na vha na maanda maswa (Yesaya 40:31).

Nga murahu ha musu no tangedza Muya Mukhethwa, ni nga kona u amba nga ndimi tshifhinga tshinwe na tshinwe tshine na funa ngatsho. Ha ambi nga kha inwi, fhedzi u ni konisa u amba. Zwenezwo, ni nga bvelaphanda na amba na Mudzimu nga ndimi ni tshi funa.

Musi ni tshi thoma u amba nga ndimi, ni do kona u dzikonesa musu ni tshi bvelaphanda na u dowela u amba ngadzo. Zwi tou fana na nwana mutuku, we a thoma u amba maipfi a u thoma. Musu a tshi bvelaphanda na u lingedza u amba, ndi hone a tshi konesa u amba. Ulwu ndi luambo luswa, nahone naho ni sa tou tea u lu guda, ni do lukonesa musu ni tshi bvelaphanda na u lu amba.

Tshinwe hafhu, musu ni tshi bvelaphanda

u amba nga ndimi, ndi u di-khwathisa muyani nahone zwi ita uri ni kone u swikela zwinwe zwifhiwa zwa Muya wa Mudzimu.

NDI TEA U YA KEREKENI NAA?

Kha Mateo 16:18, Jesu o amba nga tshivhidzo tshawe, une wa vha Muvhili wawe, ari u do tshi fhata, huno khoro dza vhu dzula vhafu a dzi nga tshi koni.

“Ngauri, vhunga muvhili u muthihi, wa vha na mirado minzhi, iyo mirado yothe ya muvhili, naho i minzhi wa vha muvhili muthihi, na kha Kristo zwo ralo. Huufha na hone rothe ro lovhedzelwa kha Muya muthihi, uri ri

vhe muvhili muthihi, hu si tsha vha na Vha-Yuda na Vha-Gerika, hu si tsha vha na mudilangi na phuli. Nahone ro nwelela Muya muthihi. Ngauri na muvhili a si murado muthihi, ndi minzhi”.

Ri Muvhili nahone Kristo ndi thoho. Vhakriste vhothe (vho bebiwaho hafhu) ndi mirado ya Muvhili wawe, nga henefho he na vhewa hone. (I Vhakorinta 12:27). U fana na musi zwipida zwo fhambanaho zwa muvhili zwi si nga si shume zwi zwothe, na mirado ya Muvhili wa Kristo i nga si kone u shuma nga yothe. Izwi zwi itwa ngauri Mudzimu o nea zwifhiwa zwo fhambanaho mirado ya Kereke, uri Kereke yothe i kone u bindula (I Vhakorinta 12:18-24), Vhaefesa 4:11-12).

Zwenezwo, u ya kerekeni ndi u tevhedza lutamo lwa Mudzimu, nahone zwi ita uri ri kone u fhatutshedzana na u khwathisana nga zwifhiwa zwo fhambanaho zwa Mudzimu – madembe, phodzo, vhuporofita, na zwinwe

zwinzhi. Ni kona u wana u pfesesa khwine
lpfi line la khou funziwa, na pfa vhutanzi na
vhona madembe. U rabela na u losha Mudzimu
no tangana zwi ita uri hu vhe na 'ndodzo yo
tanganelanaho' ya Muya Mukhethwa, ine ya
kona u swikela murado munwe na munwe wa
kereke nga ndila i sa faniho (Vhaheberu 10:25,
Mishumo ya Vhaapostola 1:14, Dzipsalme
133:1-2).

U tshimbila kha lpfi nga nothe ndi mushumo
u kondaho musi ni sa khou dzhena kereke ine
ya vha na Muya Mukhethwa. Naho zwo ralo,
u dzhena zwa vhukuma kha kereke yo tou
raloho, zwi do ita uri ni kone u wana zwinzhi
nga ha kereke na mirado yayo. Ni kona hafhu
na u khwathisa muyani wanu (muthu wanu
wa nga ngomu) uri a aluwe. Izwi zwi ita uri u
tshimbila hanu kha lpfi zwi leluwe nahone zwi
bveledze zwivhuya.

Sa mukriste, ni fanela u wana kereke ine
na dzhena yone, kereke ine na nga i vhidza

HAYA nahone na shela mulenzhe zwihulwane kha zwi itwaho henefho kerekeni. Nga nda ha izwo, ni do di-dzima phathutshedzo nnzhi dza Mudzimu nahone ni do vha ni sa khou tshimbila nga Ipfi la Mudzimu.

Zwino ngauri no bebwa hafhu, tshimbilani ni tshi divha uri ni nnyi nahone ni songo bvafha u ya hune na kuvhangana hone (Vhaheberu 10:25) – lyani kerekeni.

U ALUWA

Bivhili iri musi ni tshi pfa Ipfi la Mudzimu, lutendo lu da kha inwi. Ndi themendela milaedza i tevhelaho kha u thusa u khwathisa muya wanu. Milaedza iyi yo dzudzanyelwa u do ni sumbedza ndila ine ngayo na nga kona u anwa mitshelo na u bveledzea nahone zwa ita uri lutendo lwanu lu hule.

Wanani milaedza iyi. I thetsheleseni. Itani uri Ipfi li shume nahone ni vhone vhutshilo hanu vhu tshi shanduka.

To contact the author write:
Pastor Chris Oyakhilome:

United Kingdom:

Unit C2, Thamesview Business Centre
Barlow Way, Rainham, RM13 8BT
Tel.: +44 (0)1708 556 604

South Africa:

303 Pretoria Avenue
Cnr. Harley and Bram Fischer,
Randburg, Gauteng, South Africa.
Tel: +27-11-326 0971,
+27-11-326 0972

Nigeria:

Christ Embassy
Plot 97, Durumi District,
Abuja, Nigeria.

Nigeria:

Plot 22/23 Billings Way, Oregun,
Ikeja, Lagos.
Tel: +234-808 586 5700,
+234-817 198 7339
+234-802 478 9892-3

Please include your testimony or help received
from this book when you write. Your prayer
requests are also welcome.



Chris Oyakhilome, D.Sc., D.D., is the President of LoveWorld Inc. , a dynamic, multifaceted, global ministry. As a pastor, teacher, healing minister, television host, and best-selling author, Pastor Chris has a passion to reach the peoples of the world with God's presence—a divine commission he's fulfilled for more than 30 years and helped millions experience a victorious and purposeful life in God's Word.

He's a prolific writer, the author of "Rhapsody of Realities," the world's #1 daily devotional, distributed monthly around the world in over 3,700 languages, in 242 countries. He has also authored more than 30 other books.

Pastor Chris is the pioneer of an online prayer network (@PastorChrisLive on KingsChat) where Christians the world over are mobilized for prayer and intercession, and the host of "Atmosphere for Miracles," a programme that brings God's divine presence right into your home. The scope of his television ministry extends throughout the world with LoveWorld satellite television networks delivering qualitative Christian programming to a global audience.

The world-renowned Healing School is a ministry of Pastor Chris that manifests the healing works of Jesus Christ, and has helped many receive healing through the operation of the gifts of the Spirit.



ISBN 978-978-51521-0-4



Venda